

YÈ DQ DODAI NUKUNBIA DAHO TQN

Isaia 24:1-23; 26:19-21; 34:1-8

NUPINPLQN 351 – Na Mewinyanwinyan Lé

Nupinplon Do Tamé: "Hię wę fiwhiwhla sie po awòyínú sie po: yen tindo tódido to ohó tote mè" (Psalm 119:114).

Ohó Jihwéyewhe Ton

Yewhegán wę Isaia yín. E dō Ohó Jihwéyewhe ton na ovi Isaeli ton lę, yè sō wlan winwlandai ohó eton ton to Biblu mē na dagbe gbeto lępo ton. Jihwéyewhe gbò do Isaia mē nado dō dōdai onuhe na wá jō ton, delę to dōdai Isaia ton lę mē ko şe. Isaia dō dōdai jiji Whlengantò ton. E dōmō: "Na yè ji ovi de hlan mí, yè na ovisunnu de hlan mí" (Isaia 9:6). Ehelö şe whenuena yè ji Jesu. Isaia sō vodō dōmō: "yè húnú in na ylando mítlon, yè sō gbleawu nē na ylankan mítlon, hihò jjoho mítlon ton tin to e ji: podō hihò Etón wę yè yí do hén azòn mítlon gbó" (Isaia 53:5). Ohó helę to alô dlęn do Jesu hwiwhè do satin go, ehe jō to ohwè sùsù mē wáyi to ehelö godo.

Ehe Yè Na Hẹn Şe

Yè ma ko hén delę şe to dōdai Isaia ton mē gba. Isaia po yewhegán devo lę po dō dōdai dogbón nukunbibia daho ton dali. E ma ko jō gba, şigba e sōgan wá aihon ji podō gbeto he tin to e mē lępo ji ga to madenmē.

Nukunbibia yín ojlé kavi whenu oyajiji po tuklajije ton po. Nukunbibia daho na ylan sōmō bō mēde matin nado lunintón gba, adavo le yè ko sán azán nęle do gli. Isaia dōmō: "omē pēvide wę po." Nukunbibia helę na yín daho talala hú ojlé oyajiji devolę ton, "ehe hunko ma ko tin són whéwhéwhenu aihon ton kakajé dinvie,... mōton hunko ma to na tin gbède" (Matiu 24:21). Nukunbia daho helę na wá gbeto he tin to aihon mē lępo ji. Léblanu ma sō to na tin gba. Gbeto lępo wę na jiya, azónwàtò lę po ogán yeton lę po; gbeto lę po yewhenö lalonö yeton lę po, sisatö po hihòtö lę po, adokùnnö po wàmönö lępo po.

Aihon Na Whàn

Etewę na jō do aihon go podō do yé mēhe nō nō e mē lę go to nukunbibia daho helę whenu? Aigba lōsu na gbògbé, e bo naso "gble gbidibidi." Aihon na tin gbògbé, gbédai po vivasúdo po. Aigba whinhwàn daho na tin. Isaia dōmō: "odòdo aihon ton sō whàn . . . Aigba whàn ginanginan. Aihon na mūsà bo dahli di ahannùmúnö, yè naso bę e şe di oflò."

"OKLUNO . . . sō sotadona en". Osó po olòpo po wę "yè hùngona són otén yeton mē" (Osòhia 6:14). Yè ma sō mō yé ba (Osòhia 16:20). Sunhwlevu olon ton lę na flę jé aigba; osún na "di ohùn" owhè naso "diyù di odéyö ofún ton" (Osòhia 6:12,13). Isaia dōmō: "aihon to awubla, bo sō to pékü, aihon to kangble, bo sō to pékü".

Yè Gbè É Dai

Yè na gbé gbeto lę po aigba lę po dai matin homémiqnametö de. Yé na lęzün madoganno podō mado huhlönnö. Yè na whiwhé goyitö lę dai. "Yè sō glón ohwé lępo, na gbeto ma nado sōgan biö é mē ba". Ayajé kavi homéhùnhùn de matin gba. Ohàn ma sō to na hén homé gbeto ton hùn ba gba, nudopepe ma na sō tin nado hén ayiha jaya ba. "Ayajé lępo dózinvlu, awúvivi aigba lę ton ko yì". Ténmē nado hòngan ton de ma na sō tin na gbeto lę to aihon mē gba. Mēhe hòn na obú de na sō biö devo me. "Ewó mēhe hòn són ahwá avosisa ton mē na jai jé odò mē; mēhe sō tón són odò mē wę yè na yí ogé do wle. (Isaia 24:18).

Ojlé nukunbibia daho ton na yín whenu nujijo ton, e ma yín dopo kędę gba, şigba sùsù wę. Johanu mèyiwanne mō vude nukunbia daho lę ton hlan, ehe ton Isaia wlan winwlandai gbón e dali. Johanu mō nujijo helę lę, le yé to jijo do ode to degodo kędədi whenuena osódoto lę to osó do to aigba ji. Awhan, huvé, okú, azonylankan, awugble na tin to aigba ji kędədile yè ko wlan en dai do to Osòhia ota 6 mē do.

To ehelö mè wè yè na doyana omè ylankan lè te. "Yè naso bé yé pli dile yè nò bé ogànto lè pli do odò mè do, yè na sú yé do ganhomè" (Isaia 24:22).

Oyajiji

Etewutu wè nukunbibia he lepo do jà aihon ji? Isaia dò gbón e dali. E dòmò: "yè sò hén aihon gble to oméhe to e mè le glo; na yé ko je osen lè lò mè, yé diò alènuhó, yé hén alènu madopodo gble. Enewutu wè odèhodo ko hù aihon súdo, mèhe nò nò e mè lè sò jèvó". Yè dò na Islaelivi lè dò yè na do na yé eyín yé setonuna ogbèdide Jihwéyewhe tòn. Eyín yé basi tonumase hlan Jihwéyewhe podò hlan Ohó Etòn, odèhodo na wá yé ji. Moše dòmò: "mì zé ayiha mítòn do hlan ohó he yén dekunnuna hlan mì to egbe he lepo lò . . . na ogbè mítòn é yín wutu" (Deutelonomi 32:46,47).

Dogbòn ohó yewhegán helé lò tòn dali, yè ko dò na míwlòsu ga gbón núhe na jò tòn dali eyín mí basi tónumase hlan Jihwéyewhe, eyín mí diò osen Etòn, eyín mí sò gbà alènu Etòn. To egbé he, omesusu wè to otasinyen do Jihwéyewhe po osen Etòn po go, yé hén akué zùn yewhe yetòn; yé sò nò nò ogbèzán walò ylankan tòn mè mahòpón. Sigba to azán homégle Oklunò tòn tòn gbè yé na zé fataka vodún yetòn podò sika vodún yetòn he yé basi omè dopodopo na ede nado sèn dlan hlan ajaka po asopla po (Isaia 2:20), yé na jlo nado yí yéde whlá do odò slo mè, podò to osé slo mè; yé naso to didò hlan osó daho lè, po osé lè po nado hójé yé ji nado whlá yé sòn whèdida Jihwéyewhe tòn mè (Osòhia 6:15,16).

Mède ma tin he na hòngán whenuena homégle Oklunò tòn na kònjugbonu do akòta lè ji gba (Isaia 34:2). Omesusu wè na kú "na ahosuyí zángbè OKLUNÒ tòn wè" (Isaia 34:8). Oklunò na doyana aihonmènu lè na mawadódò po ovalò ylankan yetòn lè po wutu (Isaia 26:21).

Whiwhlatèn

Be whiwhlatèn de ma ka tin sòn oyelan daho daho lè mè ehetòn dali Isaia dògbòn dò, e na wá aihon helò ji? Isaia wlan winwlandai Ohó Jihwéyewhe tòn: "wá, omè sié emì, biò abò towe mè, bo sú ohòn do dewe: whla dewe di to nukunhwihwe pèvide mè, kaka homégle lò na do jùwayì" (Isaia 26:20). Nugbo nugbo, whiwhlatèn de tin na omè Jihwéyewhe tòn lè. Jènukponna ojlé nukunbia daho tòn, Klisti na légòwá bé omè Etòn lè sè sòn aihon he mè nado tin po E po. "Na Oklunò lòsu na jete sòn olòn mè, abóbó, ogbè Angeli gán tòn, po opèn Jihwéyewhe tòn po po E po: oṣio he tin to Klisti mè lè whé wè na fón: whenènu wè yè na zé mí he pò to ogbè lè do aga po yé po to aslò mè, nado pé Oklunò to aga: mowé mí na tin to Oklunò de kakadoi" (1 Tèsalonikanu lè 4:16,17).

Awuwlédaí

Whiwhlatèn he tin to Klisti de, tin na omè Etòn lè kédé. Nuhe je nado tin to ayiha mítòn mè wè nado mò nugbo dò Jesu tòn wè mí yín podò ga dò mí ko wleawudai nado pé E. Biblu plòn mí dò mí do na zinzonlin to hinhón he Jihwéyewhe na mí lepo mè eyín mí jlo na yín awhangbatò gigó, he ko wleawudai nado pé Jesu. Mí he ko tindo hinhón helò lè, ko plòn oplòn to Biblu mè dò mí do na tindo adògbigbo dò yè ko jo ylando mítòn lè na mí, bò mí ni sò nò nò ogbèzán ovalò wiwe tòn mè, na mí nisò gó na Gbigbò Wiwe, na mí nido sògan tin to awuwledai mè na gigòwá Jesu tòn.

Gbètò sògan mò ojona ylando etòn tòn yí eyín e hodè bo sò biò ojona sòn Jihwéyewhe de (hia Hówhínwhén lè 28:13 po 1 Johanu 1:9 po). To godò he gbètò ko mò whlèngan vò, yè do na lè è we. Dogbòn odèhiho dali podò dogbòn mèdeyidosánvò dali hlan Jihwéyewhe wè yè do sògan mò lèwe yí, ojomion he na hòn adò ylando tòn sè sòn ayiha mè bo na sò namè tènmè nado nò ogbèzán ovalò wiwe tòn mè. "Na ehe wè ojlé Jihwéyewhe tòn, yèdò jijò wiwe mítòn" (1 Tèsalonikanu lè 4:3). E ma yín kiki dò ojlé Jihwéyewhe tòn wè na gbètò nado nò ogbèzán ovalò wiwe tòn mè kédé gba, sigba Jihwéyewhe zé ogbèdide do e ji ga, na Owé Wiwe dò na mí dò: "mì nò yí jijòho do zònhe gbètò lepo, po ovalò wiwe po, eyín ené matin, mède ma sògan mò Oklunò" (Heblu lè 12:14).

Ojomion devo sò tin he mí do na tindo nado sògan zinzonlin to hinhón he yè na mí mè, na mí nisò tin to awuwledai mè na wiwá Jesu tòn. Ehelò wè Huhlon Gbigbò Wiwe tòn, opagbe ehe tòn Jesu do na nuplontò Etòn lè (Owalò Aposteli tòn 1:5), bò yè ko sò dopagbe etòn na "omè sòha he Oklunò Jihwéyewhe mítòn na ylò lè" (Owalò Aposteli lè tòn 2:39). Gbigbò Wiwe nò namè huhlòn nado wàzòn

podø nado yín kunnudetø na Oklunø: Be hië ka tindo ojomiqn helé? Be hië ka ko wleawudai na gigòwá Jesu tøn? Eyín ován Jihwéyewhe tøn dònú to ojlé he mè míté helø gân, hië na soğan pé E to aslo mè?

E ma yín gbøn nukunbibia daho tøn şokèdø dali wé Isaia dø na mí gba, sigba e dø na mí ga dogbøn ofibøtado he tin na devi Jesu tøn lè dali. Psalmkantø løsu ga dø dogbøn ofibøtado tøn dali. E dømq: "Jihwéyewhe Jakøbu tøn wé atòhø he yìaga mítøn" (Psalm 46:11). Davidi dømq: "onú dopo wé yen bibio to OKLUNØ si, ené lø wé yen na to dindin; na yen nido nonò ohø OKLUNØ tøn mè to gbèzán sie lèpo mè, nado nø pón whanpø OKLUNØ tøn, nado nø kànnuse to Tëmpli Etøn mè. Na to nukunbibia whenu Ewø na yí mí whlá do afinhø Etøn mè: fiwhiwhla gohø Etøn tøn mè wé E na yí mi whlá do" (Psalm 27:4,5).

Mí ma do na sàvò. Mí soğan yín awhangbatø gbøn yise dali. Mì dike na ohó Isaia tøn ni hën mì sàvò blo, sigba mì ni wleawudai, bo sø nø wàzón, bo sø nø hóali, bo sø nötepón gigòwá Oklunø tøn, gbøn mówiwà dali, na mí nido soğan gán sòn nukunbibia daho he ja aihon ji mè.

OKANBIQ LE

1. Etewé azón yewhegán tøn?
2. Dòdai Isaia tøn té wé ko şe dole?
3. Etewé yè nø ylo dø nukunbia?
4. Etewutu wé nukunbia daho do ja?
5. Fitewé e na jø te?
6. Etewé na jø do gbètø lè go dogbøn nukunbibia helø dali?
7. Etewé na jø do owhè, osùn, po sunhwlevu lè po go?
8. Nawé dódónø lè na hòngán sòn nukunbibia lø mè do?
9. Etewé gbètø do na basi nado wléawu dai na gigòwá Oklunø tøn?
10. Nawé mí yönén do dø nukunbibia ja?